


Euskal AEko I+Gko gastua %4,1 handitu zen 2003an

Gastu hori, BPGaren ehuneko gisa, Espainiako batez bestekoaren gainetik eta Europar Batasuna-25ekoaren azpitik kokatu zen.

2003. urtean, Euskal Autonomia Erkidegoan, guztira, 700 milioi euro inbertitu ziren ikerketa zientifiko eta garapen teknologikoko (I+G) jardueretan, aurreko urtean baino %4,1 gehiago, Eustatek landu dituen datuen arabera. Baina hazkunde hori BPGak izandakoa baino txikiagoa izan zen uneko preziotan (%5,1).

Azken hamar urtean, ia hirukoiztu egin da ikerketa- eta garapen-lanetan egindako esfortzua

1. grafikoa: I+Gko barne-gastua. Euskal AE



Iturria: EUSTAT

2003ko I+Gko gastu horrek BPGaren %1,48 hartu zuen (aurreko urtean baino ehunen bat gutxiago), eta beraz, estatuko batez bestekoaren gainetik dago (%1,10), baina Europar Batasuneko batez bestekoaren azpitik (2002an %1,83).

Egiaztatu da erlazio positiboa dagoela biztanleko BPGaren eta I+Gra bideratutako BPGaren ehunekoaren artean. Herrialde aberatsenak egiten dute I+Gko inbertsiorik handiena, hau da, euren BPGaren %2,5 gaintzen dutenak, eta Suedia, Japonia, Finlandia, Alemania eta AEB dira. Bitarteko ahalegina, hots, BPGaren %1,5en eta %2,5en artekoa egiten dutenen artean, Frantzia, Erresuma Batua, Norvegia, Austria eta Kanada daude. Inbertsio baxuak, azkenik, Irlandan (%1,15), Italian (%1,11),

Espanian (%1,10), Hungarian (%1,02), Portugalen (%0,93) eta Polonian (%0,59) izaten dira.

Autonomia-erkidegoka, Euskal AEk bigarren tokian jarraitzen du I+Gko ahaleginaren rankingean, eta Madrilgo Erkidegoa baino ez dago aurretik (2003. urtean, %1,81eko gastua BPGaren aldean), I+Gn diharduten zentro publiko asko han biltzen direlako. Horiek horrela, ezein autonomia-erkidegok ez du gainditzen Europar Batasuna-25eko batez bestekoa.

Euskal AEn egindako I+Gko gastuaren %79 enpresa-sektorean egikaritzen da.

Egikaritze-sektoreei dagokienez, enpresek I+Gko gastuaren %79 kontsumitu zuten; %18 unibertsitate-ikerketara bideratu zen, eta gainerako %3 Administrazioaren mendeko zenbait organismo publikoetara. Arlo horretan ere diferentzial handia dago Espainiar Estatuko emaitzen aldean: 2003. urtean, enpresek I+Gko gastuaren %54 besterik ez zuten egikaritu, herri-administrazioak %15, goi-mailako irakaskuntzak %30 eta irabazi-asmorik gabeko erakunde pribatuak gainerako %1.

Gastu handiena burutzen duen eta langile-kopuru handiena erabiltzen duen zientzia-diziplina ingeniariaritzak eta teknologia da, diziplina horretara bideratzen baitira baliabideen %77 eta han lan egiten baitute I+Gn diharduten langileen %73k.

Industria-enpresei dagokienez, aipatzekoak dira garrantzi handieneko produktu ikertu gisa, makineria eta tresneria mekanikoa, eta aireontzi eta espazio-ontzien eraikuntza. Bi sektoreen artean, enpresek I+Gko bideratzen dituzten gastu arrunt guztien %23 kontsumitzen dute.

Zerbitzu-enpresen aldetik, telekomunikazioak, softwarea eta I+Gko zerbitzuak dira baliabide gehien jasotzen duten produktuak, eta guztien artean I+Gko bideratutako gastu arrunten %24ra iristen dira.

Finantzaketaren ikuspegitik, finantzaketa pribatuak, enpresen bidez, 463 milioi euro bideratu zituen ikerketara, guztizkoaren %66; eta ehuneko puntu eta erdi gehitu du bere ekarpena, aurreko urtearen aldean. Finantzaketa publikoa %30era iritsi zen. Funtsen %4 atzerrian atzeman ziren eta ekarpena gehien gutxitu duen sektorea izan zen, 2002an %8koa izan baitzen eta 2001ean %7koa. Euskal AE finantzaketa pribatu handieneko herrialdeen artean kokatzen da, AEB eta Alemaniaren mailan.

Euskal AEn I+Gko jardueretan diharduen guztizko langile-kopurua 11.353 lagunera (%+1,7, 2002. urtearen aldean) iritsi da, biztanleria landunaren milako 11,58; eta kopuru horretatik, 7.142 ikertzaileak dira, milako 7,28. Estatu mailan, I+Gko jarduerak biztanleria aktiboaren milatik 8ri ematen die lana eta ikertzaileen taldeak, berriz, milatik 4,9ri.

I+Gko langileen %30,5 emakumezkoak dira

I+Gko jardueretan emakumeek duten parte hartzearen ehunekorik handienak herri-administrazioetan eta goi-mailako irakaskuntzan ematen dira, %45,1 eta %43,1 baitira, hurrenez hurren. Enpresetan berriz, %26 dira emakumeak.

1. taula: I+G-KO ADIERAZLEAK

	Euskal AE		ESPAINIA	EUROPAR BATASUNA-25
	2003	2002	2003	2001
I+Gko GASTUAK (%) BPGarekiko PIB(*)	1,48	1,49	1,10	1,83
I+Gko GASTUAK (%) FINAN- TZAKETAREN ARABERA				
Enpresak	66,1	64,5	48,4	55,4
Administrazioa	29,9	27,1	40,1	34,7
Beste iturri batzuk	0,1	0,1	5,8	2,3
Atzerria	3,8	8,3	5,7	7,6
I+Gra DEDIKATUTAKO DOEko LANGILEAK (**)				
Langileak guztira	11.353	11.165	151.487	1.984.453
Ikertzaileak	7.142	6.295	92.523	1.117.361

(*) DOE: dedikazio osoko ekibalentzia

Iturria: Euskal AE: EUSTAT- Espaina: INE- Europar Batasuna: EUROSTAT

Euskal AEn egindako ikerketaren beste adierazle batzuk patenteak eta erabilgarritasun-modeloak dira.

Argitaratutako patenteen kopurua 161era iritsi zen 2003an. Produktu-motaren arabera, nabarmendu egiten dira etxeko tresnak eta tresna elektrikoak, eraikinak eta eraikinrentzako osagarriak (sarriak eta kutxa gotorrak) eta garraioak eta enbalajeak.

Sortutako erabilgarritasun-modeloak 180 izan dira eta horietan ere nabarmendu egiten dira etxeko tresnak, garraioak eta enbalajeak eta eraikinak eta eraikinentzako osagarriak, baina kasu honetan, ateak eta leihoak.

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Tlf:+34-945-01 75 00 Faxe:+34-945-01 75 01 E-maila: eustat@eustat.es

Harremanetarako pertsona: Susana Rabuñal Mol

Tlf:+34-945-01 75 48 Faxe:+34-945-01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp